

LA PUNT



Infuormaziuns

da la corporaziun evangelica
Ardez-Ftan-Guarda



FAVRER, MARZ ED AVRIGL 2021

Collecta annuala 2021

MAMBrella: Inua cha mammas pon esser mammas



L'esser in spranza e tschüffer ün poppin es per las bleras famiglias ün dals temps ils plü importants ed emoziunals da lur vita. Che chi less però dir dad esser in fùgia d'ürant quist temp es greiv da's metter avant. L'organisaziun Mambrella spordscha daspö l'on 2018 agüd medicinic e chüra per duonnas fùgitivas ad Athen. Bleras duonnas in fùgia, specialmaing quellas sainza documainta dad identificaziun, nun han la pussibilità da retschaiver chüra medicinic d'ürant la gravidanza ed il temp davo la naschentscha. L'organisaziun Mambrella spordscha chüra tras duonnas da part chi güdan cun controllas da rutina d'ürant la gravidanza ed il postpartum. Ellas respuondan dumondas davart il parturir ed il prüm temp cul poppin,

organiseschan differents cuors sur da temas davart la sandà da duonnas, spordschan sustegn pel prüm temp davo la naschentscha, per exaimpel a regard il dar lat, e spordschan sustegn emoziunal d'ürant quist process important da gnir mamma.

Il consistori da nossa corporaziun ha tschernü il proget MAMBrella sco proget da l'on.

Grazcha fich per Vos sustegn!

Per daplü infuormaziun: www.mambrella.ch

Fanestras da baselgia ad Ardez

Sar Not Vital vules far ün regal a la corporaziun evangelica.

El propuona da müdar oura las 4 fanestras vers mezdi da la baselgia dad Ardez (la fatschada aval vers sunteri part suot), cun fanestras fattas tenor il modell chi'd es miss oura in baselgia, fanestras cleras cun puncts albs.

Üna decisiun sto gnir trattada a la radunanza generala chi ha lö als 27 avrigl 2021 in baselgia ad Ardez. Il consistori giavüscha als commembers da tour in ögl las fanestras e far lur ponderaziuns. Id exista la pussibilità da tillas scriver sü e metter ill'urna dasper il muoster da las fanestras, schi's giavüscha eir in möd anonim.

Per dumondas stan il president ed ils commembers dal consistori jent a disposiziun.



Di mundial d'urazchun – dumengia, 5 marz 2021

Il cult divin ha lö a las 10.00 illa baselgia refuormada da Scuol.



In daplü co 170 pajais sün tuot il muond celebreschan duonnas ed homens il di mundial d'urazchun in mincha lö tras la listessa liturgia.

La liturgia pel di mundial d'urazchun d'ingon es gnüda preparada da duonnas da Vanuatu, ün pajais i'l pacific chi consista our dad 83 islas. Quistas islas cun lur natüra e rivas impreschiunantas e'ls umans chi abitan sün ellas sun expostas a las

forzas da la natüra: Orcans, terratremls ed adüna darcheu erupziuns da vulcans sun imnatschas constantas. Da l'on 2015 ha l'urican Pam devastà parts da las islas. L'on passà d'eiran las islas da nord dal pajais ferm pertoccas dal urican Harold.

Il tema da la liturgia es: «Fabrichar sün fuond ferm.» I'l center sta la sumaglia sur dal fabrichar sül spelm e nügla sül sablun.

In ün pajais chi patischa pervi dal s-chodamaint dal clima e l'elevaziun dal nivel dal mar piglia quista sumaglia ün'importanza speciala, ma tras ella ans invidan las duonnas da Vanuatu da na perder la spranza e da fabrichar nossa vita sün ün fuond ferm.



Il di da schoppa ecumenic cumünaivel

dumengia, 21 marz 2021 a Guarda

Il cult divin cun nossa rav. Marianne Strub e'l ravarenda catolic Christoph Willa cumainza a las 11.00 in baselgia



El sta in connex culla campagna ecumenica annuala da «pan per tuots» e «Fastenopfer» cul tema «Güstia pel clima – uossa!»

I'l center da la campagna da quist on sta il clima. Ella ans less render attents sülla relaziun tanter güstia e chüra dal clima. Las populaziuns i'l süd dal muond saintan nempè plü ferm las consequenzas dal müdamaint dal clima sco quellas dal nord

chi sun però ils principals respunsabels per quist tras otas emissiuns da Co2.

Causa las masüras cunter la derasaziun dal virus da corona desistaina sül past cumünaivel davo il cult divin.

Confirmaziun als 28 marz 2021



Dumengia da las Palmas, il di per la festa da confirmaziun, la conferma dal battaisem.

A tuottas confirmandas ed a tuots confirmands givüschaina forza, curaschi e furtüna sün lur via da vita.

Quist on vegnan confirmats:

Rezia Stuppan (Ftan), Matteo Padrun (Guarda), Silvan Barbüda, Moreno Huder ed Adrian Koller (Ardez)

Ils cults divins festivs han lö a las 9.30 a Ftan ed a las 11.10 ad Ardez

Bunura da Pasqua, dumengia dals 4 avrigl

La vigilia tradiziunala da Pasqua, chi'ns maina **“dal s-chür aint il cler”** celebraina ingon a Ftan.

Il cult divin in baselgia sco eir suot tschêl avert cumainza la bunura a las 6.00.



Radunanza generala

da la corporaziun evangelica Ardez-Ftan-Guarda

mardi, 27 avrigl 2021 a las 20.00

illa baselgia ad Ardez. La bannida cullas tractandas segua a temp ütil.

Occurrenzas da noss progets:

• Il Sainin

Venderdi, ils 19 marz e venderdi, ils 30 avrigl 2021

adüna tanter las 9.30 e las 11.00 illa sala cumünala ad Ardez.

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadar ün'istorgia da la Bibla. Per ulteriuras infuormaziuns: Marianne Strub, 081 862 23 61



Pervi da las masüras cunter il virus da corona nu daja ningünas otras occurrenzas da noss progets pel mumaint. No sperain sün Vossa incletta e'ns allegrain da'S bivgnantar pro las activitats dals progets cur chi'd es darcheu pussibel a tillas manar tras.

Maisas da giantar per tuots dad Ardez e Guarda

Attenziun: las maisas da giantar han displaschaivelmaing stuvü gnir strichadas causa la situaziun da Corona. Subit cur chi'd es darcheu pussibel s'allegrain darcheu per las maisas da giantar per tuots. I vain fat a savair a temp a tuots interessats. Grazcha per l'incletta. Infuormaziuns dà gugent Erna Fontana, tel. 081 862 23 50.



Casualias in noss cumüns

Battaisems:

ingüns

Nozzas:

ingünas

Mortoris:

Maria Müller-Viletta, 23.11.2020, Guarda

Ursulina Peer-Florineth, 11.01.2021, Ftan



«Gesu disch: Sajat dimena misericordiaivels sco cha vos bap es misericordiaivel!»

(Lc 6, 36 – devisa biblica 2021)

Adressas:

Pravenda

Dna. rav. Marianne Strub,

Chasa da pravenda, 7546 Ardez

tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10

secretariat.pravenda@bluwin.ch

www.ardez-reformiert.ch

